Cinnabaris exul redux in pharmacopolium : cum auctore se publico examini sistens dissertatione inaugurali ... / respondente Christ. Theophil. Reuss.

#### **Contributors**

Reuss, Christian Gottlieb, 1742-1815. Oetinger, Ferdinand Christoph, 1717-1772. Universität Tübingen.

#### **Publication/Creation**

Tubingae: Literis Christ. Godofredi Cottae, [1760]

#### **Persistent URL**

https://wellcomecollection.org/works/j9hxxtsx

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

# **CINNABARIS EXUL**

REDUX IN PHARMACOPOLIUM

DISSERTATIONE INAUGURALI

QUA

DIVINA ADSPIRANTE GRATIA
RECTORE UNIVERSITATIS MAGNIFICENTISSIMO
SERENISSIMO PRINCIPE AC DOMINO,

DOMINO

# JOH. CAROLO LUDOVICO

COMITE PALATINO RHENI

BAVARIÆ DUCE rel. rel.

GRATIOSO MEDICORUM ORDINE

MUNUS

# PROFESSORIS MEDICINÆ EXTRAORDINARII

IN ALMA EBERHARDINA
LEGITIME AUSPICABITUR

# FERD CHRISTOPH OETINGER

COENOBII DUCALIS TUBINGENSIS & SEMINARIA
BEBENHUSANI MEDICUS, CIVITATIS & PROVINCIÆ UTRIUSQUE PHYSICUS
ORDINARIUS,

CHRIST. THEOPHIL. REUSS, Sulzensi.
MED. CANDID.

Ad Diem XV. Augusti MDCCLX.

TUBINGÆ, LITERIS CHRIST. GODOFREDI COTTÆ.

For Lector A. for

# A Cane non magno sæpe tenetur Aper!



S. I.

innabaris, Mercurii modo matrix modo soboles, productum scilicet modo naturæ modo artis, quingentos ante Christum natum, ideoque trecentos ante HIPPOCRATEM annos, a Callia atheniensi secundum schulzium, vel ab arabe Bulcasis dicto, si pico mirandolæ credendum, inventum, antiquissimis itaque temporibus jam cognitum, nulli usui nisi æconomico-mechanico destinatum, cæpit a medicis, jam ante tempora fracastororibus lue venerea infectis applicari, interno usu suspectum & pro tam vehementi veneno habitum tempo-

tempore FERNELII, ut medici illius seculi morbum pictoris cujusdam, penicilla improvide lambentis, & postea Contractura laborantis, unice deduxerint ex de glutita cinnabari.

S. II.

Tandem vero a IOH. CRATONE medio seculi decimi sexti Cinnabaris nativa Magnes Epilepsiæ vocata est. Eo ipso tamen tempore usum Cinnabaris internum, aliis adhuc dubium, aliis suspectum, aliis arcanum, nec Cinnabarim inter officinalia receptam suisse, scripta auctorum ejus seculi, evolventes facile intelligimus.

§. III.

Sic enim I. IAC. WECKERUS & CROLLIUS usum Cinnabaris internum plane reticent, LIBAVIUS & QUERCETANUS jam artificialem commendaverunt: PLATERUS nullibi mentionem de ea neque nativa neque artificiali fecit: FORESTUS inter venena locavit: ANWALDUS panaceam ex ea præparavit:

# S. IV.

derat 1654, ideoque centum annos post CRATONEM ad Fernelii relationem & autoritatem provocans scripsit:

psit: Symptomata Cinnabarim artificialem sumtam consequentia sunt similia symptomatibus Argentum vivum mortificatum vel sublimatum consequentibus. In institutionibus medicis autem quas 1667 publici juris secerat pag. 1440 Cinnabaris antimonii & nativæ virtutem antepilepticam aliis celebratam narravit, quam decem annos ante ignorasse videtur.

## 6. V.

MANNVS, Sennerti coætanei Cinnabarim nativam & antimonii ut antepilepticam, diaphoreticam & specificam in Vertigine laudaverunt.

## S. VI.

De ejusdem temporis felicissimo practico, 10 H.
MICHAELE ne dicam, cujus specificum cephalicum in
hunc usque diem, jure & innumerorum ægrorum
certissimo emolumento, locum sibi vindicavit in pharmacopoliis, quidquid etiam objiciant sibi solis sapientes.

#### 6. VII.

MICHAELIS quidem primus suisse videtur medicorum, qui Cinnabarim non soli Epilepsiæ opposue, rit, sed etiam capitis morbos ea oppugnaverit quam plurimos; Sed locus HARTMANNI in Praxi Chy-A 3 miatrica, ubi pag. 154. contra Vertiginem commendat Cinnabarim, & fimul compositionem pulveris cinnabarini contra Vertiginem in QVERCETANI libro de affectibus capitis descriptam esse testatur, dubium potest movere, an MICHAELIS primus suerit, qui præter antepilepticam Cinnabari etiam cephalicam assignaverit virtutem. Sed ut verum satear, librum QUERCETANI de affectibus capitis non possideo, nec mihi verosimile videtur, QUERCETANUM jam polychrestum usum Cinnabaris scivisse, cum apud nullum autorem usque ad MICHAELIS tempora unquam aliam virtutem legerim annotatam quam antepilepticam, diaphoreticam & specificam ad Vertiginem.

# S. VIII.

MICHAELIS denique experientiam, sagacissimus Observator 10 H. IAC. WEFFERUS, usum scilicet Cinnabaris in Cephalæa expertus, in Observationibus suis pag. 121. corroboravit, simulque eodem libro pag. 582. bene monuit, cinnabarina non ab omnibus epilepticis tolerari.

6. IX.

Interim nec eo tempore defuerunt autores, sique celebres satis, quos internum usum Cinnabaris vel reprobasse vel ignorasse exinde judico, quod in eorum operibus practicis nullibi occurrat Cinnabaris præscriptio-

cio. Sic neque sylvivs neque sydenHamivs Cinnabari, quod sciam, unquam sunt usi.

#### §. X.

Sequitur ex ordine temporis DANIEL LUDOVIcus, suo tempore usum Cinnabaris increbescere Oper. omn. pag. 235. ipse narrans. Cinnabaris vires credidit non quidem directe & per se diaphoreticas, sed potius polychrestas exaltatorias, præsens multorum concurrentium Symptomatum deleterium nominans Cinnabarim. Ibidem pag. 231. eandem in Epilepsia ut satis certum specificum, in Doloribus hystericis colicisque Opio efficacius remedium, Vertiginem, Arthritidem vagam, Dolores nervofarum partium, imo dentium, evidenter leniens & tollens, in Deliriis, Morbillis & Petechiis utile deprædicavit; jam eo tempore experientia fretus responsum dedit scepticis, quod verbotenus transscribere placet: " Ut enim vix in stomacho (vel pusionum " observatione) resolvitur, sed incomprehensibili fere nec , dum determinato contactu, desubito sæpe (cum consimi-, libus aliis) quod suum est agit. pag. 235.

#### 6. XI.

ERNESTVS ETTMVLLERVS, in Lydovicvm commentator, polychrestum plane usum Cinnabari antimonii adscripsit, vim illam antepilepticam extendens tendens ad omnes Morbos spasimodicos, colicos, nephriticos: In his nempe non par sibi habere remedium affirmat; ad metallicolarum aurifabrorum &c.
Morbos, e sumis metallicis ortos, optimum esse remedium perhibet; laudat porro in malignis & ipsa
peste per experientiam POTERII, in Variolis, in Terrore gravidarum, catarrhosis senum Affectibus, Erysipelate capitis, Scabie maligna, Arthridite vaga, hysterica Passione, Cinnabarim: Boyleanum vinum cinnabarinum denique in casibus chirurgicis contumacioribus extollit. Easdem plane vires etiam artisiciali &
nativæ adscribit.

## §. XII.

christianus Langius primus fuit, qui Cinnabaris virtutem in Partu difficili egregiam observavit, & experimentis & rationibus latius probavit, specificum cephalicum Michaelis mire secundare partum.

#### S. XIII.

wedelius non solum autoritate & sententiis medicorum sui seculi edoctus suit, sed eorum relata sua quoque experientia suisque observationibus consirmavit, omniumque ardentissimus Cinnabaris prædicator suit. Ita Amoenitatum Materiæ medicæ p. 266. appellavit Cinnabarim remedium probatissimum: verum est, inquit

quit p. 153. , cinnabarina esse nervina & laudatissima , medicamenta. Porro pag. 438. Cinnabaris specificum s, est cephalicum, anodynum, ubicunque humores salini s, irritantes et vellicantes negotium facessunt, et tantum ,, non spasmodicos motus bis illis partibus inferunt. Vi-", dimus bujus rei effectus aliquot insignes. Laborabat " infans Torminibus clamosis, iisque insignibus, a datis , granis tribus Cinnabaris nativæ, puræ, solis, statim " in sommum incidebat blandissimum. Tacemus alios casus " hinc inde annotatos. Sic pag. 172. refert fæminam Dolore dextri hypochondrii cum Serpiginibus pruriginosis & admodum molestis conflictatam, frustra adbibitis aliis, solis cinnabarinis perfecte curatam. Ne autem WEDELIUM ex cœco præjudicio vires Cinnabaris callaudasse credatis, adducenda etiam sunt, quæ de operationibus nocivis observavit sedulo, & quæ de inerti medicamento nunquam expectanda essent. Habent cinnabarina, inquit amænit. Mat. Med. pag. 153 id vitii, ut in efferationibus sanguinis minus istis fidi possit, siquidem sudores colliquativos adaugent imo accersunt sæpe nimia fusione: et pag. 281. Sic purgat quandoque Cinnabaris nativa, non minus ac salivationem etiam citat aliquando. 6. XIV.

Omnia que habet wedelius affirmantur quoque a boneto de cinnabarinis, ita, ut cum wede-

B

LII verbis loqui videatur. TILINGII Scrutinium Cinnabaris mineralis, & CLAVDERI Inventum cinnabarinum, libros ejus temporis, a VALENTINO citatos, non potui acquirere; interim scripta hæc pro argumento adducere non dubito, quod circa illud tempus, annum scilicet 1679. Cinnabaris usus internus maxime viguerit, cum panaceas inde præparare conati fint. CLAUDERI enim inventum, fuit circulatum e Cinnabari, mire ab auctore deprædicatum. Imo, quod eo tempore de virtute Cinnabaris indubii, de modi operandi explicatione tantum foliciti fuerint, exinde concludo, quod KOENIGIVS, CLAVDERI amicus, ex ejus scripto & literis referat, CLAVDERVM operationem Cinnabaris cum magnetismo comparasse, quia effectus citior sit, quam virtus per sanguinis circulum locum affectum tangere valeat.

# S. XV.

Tempore LENTILII vixit Ulmæ medicus practicus celeberrimus, cujus consilium pro Epileptico miscellaneis practicis, celato nomine, inseruit LENTI-LIVS. In hoc consilio laudatus medicus ulmensis serio asseverat, se benesicio Cinnabaris, in quibusdam adultis, Epilepsiam radicitus exstirpasse, qui eo tempore adhuc dum immunes ab illa vixerint.

§. XVI.

# (H) (E)

#### §. XVI.

In eandem temporis periodum incidit vitus RIEDLINVS ulmensis, observator curiosissimus & diligentissimus, qui in Lin. Med. Ann. 1. Decembr. obs. 10. pag. 428. nobis refert, quod egregii hujus antispasmodici suo tempore largissimus suerit usus & consumtio; & præterquam quod virium antispasmodicarum & antepilepticarum veritatem affirmet, id specialissimum notavit, Cinnabarim in Dolore dentium gravidis semper auxilio suisse, abstulisse scilicet vel in totum vel certissime haud parum leniisse; pag. 277. anthelminticam cinnabarina exserere vim, & quandoque etiam in parca dosi movere salivam.

### §. XVII.

Ad illos, qui cinnabarinis egregiam tribuunt virtutem antepilepticam nervinam, pertinet quoque valentin. Dolævs Cinnabarim in Asthmate, Cardialgia, Tertiana, Convulsione, Lue venerea, Colica, Epilepsia, Apoplexia, Torminibus infantum, maxime commendavit, semper ad experientiam provocans. Sic possideo quoque collegium practicum manuscriptum ab elia camerario dictatum, in quo Cinnabaris in Febribus continuis, in Apoplexia, Spasmo, Vertigine, Cephalalgia, Singultu, Malo hysterico, Arabati



thritide, Scorbuto, Rhachitide ab illo præscribitur. Ipse MEADIVS qui nulla vult medicamina, nisi essicacia, certa, Cinnabarim in Asthmate c. cortice miscet & egregiæ virtutis medicamentum esse testatur.

#### §. XVIII.

FRID. HOFFMANNUS 21, ætatis suæ anno jam conscripsit dissertationem de Cinnabari, in qua illam, quoad vires, ut panaceam quasi extollit. Scripsit tunc temporis quæ audivit a præceptore WEDELIO, provoco autem potius ad ipfius Opera, post longum exercitium practicum enata, in quibus pag. 450 System. Tom. III. virtutem antepilepticam præsentaneam & admirabilem effectum Cinnabaris fæpius se expertum esse testatur. Imo centies in Systematis sui capitibus practicis cinnabarina eorumque effectus deprædicat. De STAHLII sententia pro viribus Cinnabaris non habemus, quod dubitemus, nec opus est provocare ad scripta; plurima enim medicamenta STAHLIO usitata ingreditur Cinnabaris. Patronum itaque Cinnabaris hunc Virum fuisse palam est, Virum quem nihil ex vana superstitione assumsisse, Virum quem semper perspicacissimum observatorem fuisse, scimus.

## J. XIX.

Huc usque nemini amplius in mentem venit dubitare de viribus Cinnabaris: Primus est celebris medicus cus practicus & chemicus, Illustris Boerhavivs, qui denegavit applausum Cinnabari. Nunquam inde, inquit, adeo multos effectus vidi. Tom. II. Chemice p. 493. seq. Argumentum contra vires Cinnabaris, desumit ab impossibilitate ingressus in vasa venosa, resorbentia, chylifera vel lymphatica. Minime tamen hæe sententia stahlium & hoffmannym, experientia certos, dubios reddere potuit; imo Cinnabaris etiam post illos servavit adhuc patronos, lemery, Jynckerym, schylziym, carliym, plurimos.

### J. XX.

Interim tamen indies cecidit a BOERHAVII tempore existimatio Cinnabaris, quotidie novas patitur contumelias, & noviter Illustris Büchnervs eandem cum Boerhavio protulit sententiam. Si Carthevservm, si trallesivm si hvndertmarckivm, si prannivm audias iners est Cinnabaris. Kleinivs ubi rationalem medicaminum instituit selectum, ita commentatur; facit, ad colorandos pulveres, mixturas seu potiones, catapotia:, ad mechanicos æque scopos. Virtus in corpore nostro, minor est ac Aethiopis mineralis: imo plane nulla. Hac, Cinnabari, (scil. artificiali) non superior est illa nativa et antimonii: hæc, at longe pretiosior ceteris. Idem declarat Excellentissimus Dominus Auctor Botanices B 3

& Chemiæ ad praxin medicam applicatæ, PH. FRID. GMELIN, iisdem, cum aliis, argumentis militans.

# S. XXI.

Hæc fuerunt usque huc fata Cinnabaris: habebatur olim pro veneno, quæ sensim, dubitantibus plurimis, an tuto corpus intrare possit? in Pharmacopolium irrepsit; sed ad panaceæ dignitatis fastigium denique exaltata, nunc proscribitur e Pharmacopolio. Rident novaturientes & genio seculi indulgentes medici, (Die Mode - Aerzte) quam primum vel legunt in schedulis nomen Cinnabaris, vel vident medicamina cinnabarino colore rubentia. Plenis buccis clamitant: Iners est Cinnabaris! Inertia medicamina cinnabarina! Frustra expectatur de specifico michaelis virtus cephalica! Cum hæc ita contingant, non abs re esse credidi, si inquirendum mihi sumerem, quo fundamento nitantur argumenta, quibus Cinnabaris inertiam probare conantur acres illi rei pharmacevticæ castigatores.

S. XXII.

Argumentum præcipuum in efficaciæ desumunt ab experientia. Respondeo: ad experientiam provocare non possunt qui tanquam contemtores Cinnabaris nunquam Cinnabari usi sunt in praxi sua. Cum enim, chemi-

chemico oculo nimium fidentes, nil antepilepticarum vel sedativarum vel aliarum virium eruere potuerint, Cinnabarim præseribere nunquam operæ pretium ipsis visum fuit, & si forte aliquem pulverem antispasmodicum compositum præscripserint, quem secutus sit effectus, hunc non Cinnabari, sed aliis ingredientibus adjudicarunt. Porro ad experientiam certam pertinuisset, ut centies exhibuissent solam Cinnabarim, in sufficiente dosi, sat longum tempus continuando. Sed id non fecerunt, alias non opus habuissent ad subscriptionem magnorum virorum confugere, eaque repetere, quæ a magnis illis legislatoribus prolata, quidem sed non probata fuerunt. Veneror maximum inter medicos BOERHAVIUM, veneror æque celeberrimum BUCH-NERUM, & vix dignum me puto, qui calcei alterutrius corrigia solvam. Sed quod tot tantorumque virorum experientiam irriserint, quod negare a priori non erubuerint, ea, quæ de Cinnabari a posteriori certissima sunt, ignoscere ipsis vix possum. Iure asserto illi in experientiam injurio, ad latus pono experientias aliorum superius jam citatorum maximorum virorum eorumque fidem. Sed neque aliorum indigeo autoritate; ipfa praxis loquitur, ipfe convictus affevero, Cinnabarim ea mihi præstitisse pluries, quæ de illa olim narraverunt autores, non per fallaciam simul

& per se evenientium effectuum; centies enim solam Cinnabarim adhibui, & summa discretione & ab omni præjudicio liber observavi lætas operationes. Centies consulto illud novaturientium scandalum, Specisicum puto cephalicum, præscripsi solum, purum, optimo cum effectu. Objicis, prævideo: non semper! quod minime negaverim. Sed quæso! Vel unum narres peto remedium, quod semper & ubique præstet eastem vires.

## §. XXIII.

Sed audiamus quoque specialissimum TRALLEsii Argumentum ab experientia propria desumtum,
quo etiam PFANNIUS ad TRALLESII narrationem provocans militat. Hic, quod pace Excellentissimi Viri dicere cogor, Historiam a TRALLESIO
mutuatam longe alio & contrario sensu narrare mihi
videtur. TRALLESIUS virgini agnatæ, parotidis mucoso tumore laboranti, per integras quatuor hebdomades, singulis diebus scrupulos duos Cinnabaris in
duas doses divisos præbuit; cum autem debili stomacho noxam inde imminere judicaret, & nullum successum obtinuisset, ordinavit saponacea somenta, aliaque remedia, quibus tandem parotidem discussit;
PFANNIUS vero longe diverso sensu historiam sic profert:

fert: TRALLES habe einer Frauens Person, welche Tumore parotidis mucoso laborirte, vier Wochen tæglich nacheinander 2. Scrupel Cinnober ohne allen Success verordnet. Es seye vielmehr die Person tæglich davon elender und ihr Magen auf das æusserste davon geschwoecht voorden, biss er sie endlich durch Fomenta Saponacea und andere dienlichere Mittel, wieder zurecht gebracht: certissime hie historia quam maxime exosis narrata legitur verbis. Cum enim TRALLES dixisset, stomacho debili imminuisse saltem noxam PFANNIVS locutus est, ac si quotidie pejûs se habuisset, & stomachus plane debilitatus suisset. Secundo TRALLESIVS refert: discussionem parotidis se præstitisse saponaceis somentis & aliis remediis, quam a Cinnabari amplius expectare noluerit; PFANNIvs vero, ac si TRALLESIVS fomentis saponaceis & melioribus aliis remediis vires a Cinnabari deje-Etas restaurare, & damnum stomacho illatum resarcire coactus fuisset, locutus est. Cognoscimus inde mentem in Cinnabarim inimicam et præjudicatam. Sed transeat. Quod attinet ipsam hanc experientiam, illa Cinnabaris virtuti ne minimum quidem derogat. Primo enim una hirundo non reduceret ver : nec sequitur TRALLESIVS Cinnabari non potuit discutere paroparotidem mucosam in illa fœmina, ergo Cinnabaris nullum tumorem glandularum discutiet : CAMERA-RIVS nec fumo nec unquento mercuriali, nec mercurio dulci potuit falivationem excitare, ergo Mercurius nunquam salivam movet? Multo minus sequitur: Cinnabaris parotidem non discussit, ergo non est antipileptica, antispasmodica, anodyna, &c. Secundo: Si concedamus, Cinnabaris largiorem usum plus stomacho nocuiste, quam ad discussionem parotidis profuisse, non Cinnabaris inertiam inde deducendam, sed medici respectu subjecti tenerioris inex. culpabilem errorem adcufandum esse statuimus. Si certum est, dico, si certum est, quod nihil profuerit Cinnabaris usus, nulla alia subest causa quam quod priores doses, stomacho debili intolerabiles, digestionem ita turbaverint, ut ea semel labefactata, posteriores nullo modo digeri, concoqui & ne atomus quidem, de illis solvi potuerit. Quid inde itaque fequitur? Sequitur, quod Cinnabaris inepte & nullo habito respectu ad ventriculi ejusque digestionis tolerantiam præscripta, plus detrimenti quam utilitatis afferat: minime autem quod nihil agat, quia in hoc casu ad digestionis plenariam labefactationem, ideoque inepte adhibita, nihil egit. Tertio vero tantum

tum abest, ut credam, Cinnabarim in hoc narrato casu nihil fecisse, quin potius persuasus sim, fomenta saponacea reliquaque remedia eam ob causam profuisse, quia Cinnabaris internus præmissus continuatus usus parotidem obstructam ita jam disposuit & penetravit, ut facilior discussio insequi potuerit. Facile enim quemque in praxi versatum consentientem mihi promitto, si asseverem, fomenta saponacea discutiendæ parotidi refractariæ imparia & talem discussionem non tam leve negotium esse. Si autem reliqua adhibita remedia id effecisse crediderit Autor, illa nominare debuisset, ut quisque judicare potuisset, illa tantæ virtutis fuisse, & Cinnabarim nil plane effecisse. Ceterum & mihi in praxi obtigit, ut in debilioribus subjectis ventriculus magnas non ferre voluerit Cinnabaris doses, sed omnia incommoda inde nata mox cessarunt, omissa Cinnabari per aliquot dies, vel dosi imminuta; ex quibus casibus didici, Cinnabarim revera stomacho nullam afferre perniciem realem, sed saltem illum gravare sensu mox remissuro, & facillime præcavendo, si illi admisceantur pulveres leviores v. gr. rad. poeon. Ir. flor. Lumbr. terrestr. qui impediant, ne uni loco simul incumbere possit, sed illam pultis instar disjungant. Eadem enim in. C 2 comcommoda fentiunt delicatiores ex strenuo pulverum antispasmodicorum & temperantium usu, quia & terra & falia & Cinnabaris fimul premunt, facillime admixtione talium pulverum, præsertim. Rad. Ari, præpedienda. Ex eodem fundamento 6. grana Cinnabaris ter per diem infanti adhuc lactanti & achoribus laboranti in primo cochleari pultis consuetæ data, & per 14. dies continuata, ne ullo incommodo apparente certissime achores profligabunt; Sic quoque in convulsionibus illis saltatoriis, bis per diem Radicis Valerianæ & Cinnabaris ana scrupulum unum præscribere consuevi, de quibus sat magni: dosibus ventriculus ne quidem gravatur, quanquam per fat Iongum tempus hi pulveres adhibeantur, quod expertus sum in diversis subjectis, simulque non satis extollere possum hujus pulveris effectus.

# §. XXIV.

Devolvor ad argumentum secundum, quo Cinnabaris esse este et um in corpus nullum esse ex eo probant, quod non ingredi valeat vasa absorbentia intestinorum. Summam divisibilitatem & comminutionis possibilitatem particularum Cinnabaris in infinite parvas atomos consideranti ranti mihi tam impossibile non visum fuit, quod intrare nequeant cum chylo in vasa lactea, præsertim cum Cinnabaris alcoholifata lacti inspersa & agitata, non cito subsideat, sed post longiorem moram plurimæ subtilissimæ atomi lac adhuc satis aperte tingant. Dubii impatiens, lac cum multa Cinnabari alcoholisata mixtum cani famelico devorandum præbui, quem post duas horas, vix jugulatum & feré vivum adhuc, difsecui & oculis meis vidi vasa lactea pulchre alba, nec ullo modo detegere potui, quod vel minima particula rubicunda cum chylo transiisset in illa. Cum itaque ipse convictus sciam Cinnabarim, qua arte etiam comminuta sit, non in substantia transire in vasa lactea, quid impedit, quo minus concedam, id, quod rectissime statuunt. Sed consequentiam inde deducendam, quod Cinnabaris vasa resorbentia ingredi non valens, recta tantum per fistulam intestinalem propulsa, ano exeat immutata, & sine effectu, nego.

# S. XXV.

Hac connexione ducor ad tertium argumentum, quo scilicet adversarii sibi persuadent in Cinnabari sulphur & mercurium adeo arcto inter se vinculo necti, ut vix alterutrum in humanum operari corpus possit, dicunt,

dicunt, vix ! ergo dubitant. Ceterum respondeo sennert i verbis: ridiculum est negare, quod experimento constat, eo, quod caussa effectus ignoretur paralipom. pag. 210. Si vinculo tam arcto nexa essent principia Cinnabaris, nunquam inde excitari posset ptyalismus; atqui sepius Cinnabaris usum largiorem secuta est salivatio, ergo omnino solvi poterit Cinnabaris ab humoribus nostris. Cogitas, suspicor, illud evenire saltem ab usu nativæ, quæ sorte mercurii partem non intime sulphure ligatam continere posset. Bene mones! Scias vero te non solum sapere: etiam rectificata quæcunque Cinnabaris aliquando salivam movet. Id quod iterum expertus asserere possum inde, quod quandoque coactus suerim desistere ab usu Cinnabaris, ob salivationis prodromos.

# §. XXVI.

In solutionem Problematis, an Cinnabaris digegestione animali mutetur, subigatur, solvatur, ut in
sanguinem vel sibras agere possit? curiosus, de Experimento quodam sapius meditatus sum, quo cognoscere possem veritatem vel affirmativa vel negativa sententia: suscepi plurima & inter illa in hunc
sinem instituta experimenta unum meretur adduci &
narra-

narrari. Cani devorandum dedi jusculum, cui Cinnabaris 3j admixta erat: nullam inde expertus est molestiam canis, quem semper in conclavi captivum retinui, ut excrementa examinare possem: priora excrementa nondum Cinnabari tincta projicienda curavi, ea autem, quæ rubra denique prodierunt, servavi, aqua bulliente affusa & sæpius renovata omnem & odorem & saporem elui, residuum vero insipidum & rubrum adhuc, novo admiscui jusculo & denuo cani edendum exhibui. Hoe quanquam omni diligentia elutum & in jusculo rursus exhibitum residuum purgavit canem instar cathartici fortioris & excrementa miniatum, non amplius cinnabarinum, habuerunt colorem, quæ collecta, denuo optime eluta & ab omni fœtore libera, tertia vice cum jusculo cani famelico exhibui devoranda. Exiverunt adhuc tincta ex rubro - flava per anum repetii eluitionem, & ut semper cum novo jusculo mixta, cani quarta vice obtuli, quod & quinta vice repetii, magno gaudio animadvertens, quod quavis repetitione color ruber in flavum magis se mutaverit & denique post sextam repetitionem flava plane, nulla rubedine amplius infecta, ejecta observaverim excrementa, semper liquida. Hoc experimentum omni exceptione majus, solide demonstrat, CinnaCinnabarim omnino destrui digestione animali canina; cur non humana?

#### §. XXVII.

Quartum inde petunt argumentum, quod ex connubio sulphuris & mercurii nec tertium aliquod virium resultatum emergere possit. Neque id requiritur, respondeo. Si enim quandoque eveniat, ut tantum de Cinnabari a succis corporis nostri solvatur, ut salivationem excitare possit, quis non vider, Cinnabarim pro ratione qualitatis succorum nostrorum & digestionis diversimode solvi posse, & ut plurimum quanquam lenissime solvi, ita, ut ligatus & ægerrime solubilis mercurius, non, ut mercurius dulcis, uno impetu & simul humoribus admisceatur, sed sensim erepta atomo sulphurea liberæ evadant forte septem atomi mercuriales, quæ instar halitus subtilissimi cum chylo sanguini admiscentur, cum interea mox & sensim aliæ evadant liberæ, quæ succedunt & in sanguinem transeunt, eoque ipso longe aliam virtutem exserunt, quam si simul agere potuissent, non alio modo ac illo, quo sal neutrum in certa dosi vim purgantem, sensim vero & minutissimis partitis dosibus ingestum diureticam exferit: quo Arsenicum vim veneni in determinaminata dosi, in incredibiliter minutissima dosi verò, lixivio dilutum, medicamentosam edit virtutem: quo Cicuta in determinata copia veneni instar agit, in minutissima & repetita dosi, cancrum curat.

#### S. XXVIII.

Quintum denique argumentum inveniunt in impossibilitate solutionis Cinnabaris, eamque variis argumentis evincere conantur. Primo quidem veteribus jam cognitum egressum pulverum cinnabarinorum pulchre & integre adhuc rubentium cum alvinis fecibus pro sufficiente & infallibili signo vendunt; Sed o! quam miserrima conclusio. Feces alvinæ exeunt adhuc cinnabarino rubore perfusæ, ergo nihil de Cinnabari solutum est. Ergo sane non omnis Cinnabaris foluta est. Sed si decima pars soluta fuerit, cur novem partes intactæ non poterunt tingere feces sufficiente rubore? vel si mavis pone dimidiam partem fuisse solutam, nonne altera dimidia pars adhuc sufficiet tingendis fecibus. Mittere possum hanc objectionem ab alvinis fecibus desumtam eo citius, cum paragrapho vigesimo sexto experimento evidentissimo contrarium jam probaverim.

#### S. XXIX.

Immota jacet in aquam fortem injecta Cinnabaris, nec solvitur fortissimo illo menstruo, objiciunt;

-MOD

quomodo fucci ventriculi & intestinorum aliquid poterunt de Cinnabari solvere? quærunt. Verum est, aqua fortis vel concentratissima non solvit Cinnabarim, sed adjicias velim paucissimum salis culinaris, statim solvet illam; ergo ratio non secutæ solutionis non est quærenda in insolubilitate subjecti, vi aquæ sortis concentratissimæ non vincenda, sed in menstrui etiam ceterum sortissimi natura, ratione individui inepta. Aqua Regia etiam sex partibus aquæ diluta, quæ mixtura vix ad aceti sortis acredinem accedit, Cinnabarim adhuc solvit, & præstat, quod aqua sortis, mercurii alias avidissima, & sumans nitri spiritus nequit. Medicoris etiam spiritus salis solvit aliquid de Cinnabari, qui alias mercurium vix corrodit, nec clare solvit.

### §. XXX.

Sed quid inde, in ventriculo & intestinis neque aqua regia neque Spiritus salis occurrit, clamatis. Concedo! interim tamen cadit elegans vestra consequentia; aqua sortis non solvit Cinnabarim, ergo est insolubilis. Et quid dicetis, si narravero a sale culinari non intastam relinqui Cinnabarim? Solvite purissimum Sal culinare in aqua, guttulam hujus solutionis inspergite vitro, quam exsiccatam contemplamini microscopio, sistet se vobis sal culinare in crystallis quam persestissimis, conicis, quadratis, vel cubicis, con-

medi-

consuetis: Sed eidem solutioni Salis culinaris addite Cinnabaris quantitatem, coquite per horam, iterum guttam, ubi sundum petierit omnis Cinnabaris, liquidi supernatantis in vitrum inspergite, exsiccate & microscopio inspicite, invenietis quidem priores Salis communis Crystallos, sed angulis hinc inde quasi spinis cinctas, indubie probantes, quod aliquid accesserit & se in mixtionem salis intexuerit, antea absens.

#### S. XXXI.

Nec tacere possum; fallitur Celeberrimus TRAL-LES, si fortissimo lixivio Cinnabarim non solvi asserat. Sulphurea omnino ejus pars solvitur, destruitur itaque Cinnabaris, imo hac encheiresi possumus revisicare mercurium in illa ligatum: uti id IVNCKERVS T. 1. pag. 993. Chemiæ annotavit. Sic etiam saponi incocta Cinnabaris patitur aliqualem destructionem vinculi & elegantiæ, uti id inter experimenta tinctoria olim sacta certissime expertus sum.

### S. XXXII.

En itaque adeo arctum inter mercurium & sulphur nexum facile dissolubilem! Nonne Bilis saponaceam habet virtutem? nonne illa quandoque sit acerrima, imo nonne quandoque acida æruginosa est? Nonne primæ viæ plurimum acidis scatent humoribus? nonne quotidie sal culinare sumimus in cibis? quis

D 2

medicorum determinabit actiones, folutiones, præcipitationes sub actu digestionis obvias? quis rescit? digestionem id præstare, quod vix ab acidis fortissimis potuisset sperari. Explica, si potes, cur nuclei cerasorum officulum integrum ejiciatur cum excrementis, cum nuclei prunorum officulum ab hominis fani ventriculo dissolvatur. O quantum est, quisquis sueris, quod & ego & tu nescimus! An tibi videtur adhuc impossibile, quod diversimode Cinnabaris agere possit in corpus humanum? vinum potamus, sal culinare in omnibus cibis deglutimus, plurimi cibi ad fermentacionem vergunt acidam; estne tam impossibile, ut accedente motu & calore ventriculi mercuriales aliquæ extricentur particulæ? quæ ut infinite paucæ non amplius ac mercuriales falivam movendo agere, interim tamen non plane nihil agere possunt, cum mercurii tanta sit vis, ut etiam halitus, ponderi nihil comprehensibile detrahens, agat adhuc satis aperte. Inquis: Si etiam solveret acidum fub digeftione aliquid, præcipitabitur id iterum ab accedente bile alcalina: neque id in universum negaverim, neque nos possumus certo id contendere, exemplo deterriti, quod pulvis fusce ruber ex mercurio sublimato per oleum tartari per deliquium præcipitatus, in spiritu salis iterum solutus, ab oleo tartari non amplius,

plius præcipitetur, indeque edocti, non semper in acidis soluta præcipitari alcalinis, sed pro conditione prægressæ solutionis & antecedentium circumstantiarum, id limitationem vel exceptionem pati. Ponamus autem præcipitari iterum solutas particulas, nonne mercurius præcipitatus sortiter satis agit, sussicit quod particula soluta, etiam postea præcipitata, e nexu cinnabarinæ miscelæ liberata & operari potens sit.

#### S. XXXIII.

Pone ex adverso alcalinam saponaceam bilent solvere sulphureas quasdam atomos, annon pro quavis atomo sulphurea e mixtione erepta, septem mercuriales sui sient juris. Sed, quid tum inquis? mercurius non agit nisi acidis acerrimis folutus. Falleris! taceo quod adhuc sub judice lis sit: an solum pondere, divisibilitate, mobilitate & rotunditate particularum, qua vivus & currens, in incredibiliter minimas tantum atomos resolutus, in substantia vasa Chylifera intrans, & per minima vascula propulsus; an vero in sal penetrantissimum, acidorum ope solutus, humoribus miscibilis, lympham fundens & glandulosum systema præfertim sic afficiens, agat mercurius? Taceo, inquam, hanc controversiam ex omni latere suos desensores habentem. Sufficit experientia, quod mercurius oleo vel terebentina subactus interne sumtus, quod expertus D 3 scio,

scio, vel illitus externe, quod omnes sciunt balneatores, validissime moveat salivationem omni acidorum accessu prohibito. Nec injectio mercurii crudi in venam canis vivi GARMANNI, nec casus ex PETERSON HAIN. & BLANCARDIO citati, ubi mercurius ad pondera & uncias intra corpus humanum sumtus fuit, nulla operatione insecuta, aliquid probant, nec alter etiam casus, mercurii per 14 dies in ventre, non mota salivatione, fine noxa retenti, sufficit ad probandam thesin, quod mercurius vivus, currens, salibus acidis non junctus vel solutus nequeat provocare salivationem, cum innumeri casus, salivationis per unguentum solummodo externe adplicatum facillime impetrandæ, contrarium fufficienter demonstrent. Secundo autem rarior aut unica talis observatio etiam inde nil probat, cum dentur subjecta, quæ nulla arte & opera potuerunt ad ptyalismum disponi, cujus rei exemplum protulit ELIAS CAMERARIVS, in Dissertatione de salivatione sine salivatione, ubi nec unguenti largissimis inunctionibus, nec cinnabarinis suffimigiis, nec dulcis mercurii interno usu, ne prodromum quidem salivationis excitare potuit, ægro tamen, quod mirum, a lue integerrime liberato. Uti itaque hoc fieri potuit, de quo ipse integerrimus & verissimus CAMERARIVS testis est avtoptes, sic etiam mercurius potuit p. 14. dies in corpore non insequente falivafalivatione jacere; & quid impedit, quominus concedam, millies sumi ab Anglis mercurium vivum ad uncias nulla salivatione insequente; cujus methodi novæ historiam, cautelas, modum operandi & innoxiæ administrationis causas, solide satis orbi literario communicavit HEBENSTREITIVS in dissertatione Lipsiæ defensa, de hydrargyri

usu interno. S. XXXIV.

Ex omnibus his non sequitur, quod mercurius qua vivus non possir salivationem excitare, sed quod sæpissime sumatur nulla insequente salivatione, si autem etiam concedam nunquam salivationem insequi mercurii vivi usum internum, non sequitur mercurium interne sumtum salivationem non excitantem nihil agere; ipsa enim illa methodus ab HEBENSTREITIO communicata luculenter demonstrat, mercurio vivo interne exhibito plurimos curari morbos, fine ulla salivatione. Et ne obliviscar quod potissimum est, si septem atomi etiam ope digestionis fiant liberæ a vinculo sulphuris, eo ipso tamen non sunt adhuc mercurius vivus, ideoque neque consequentia a mercurio vivo desumta, valet ad id probandum, quod mercuriales illæ atomi vinculo sulphuris liberatæ non possint agere, si etiam mercurius vivus forte nil ageret. Septem illæ atomi a vinculo unius sulphureæ liberatæ, jam extreme parvæ, resolutæ & instar sumi subtiles sunt & penetrare possunt ubique, hine absurdum esset, illis denegare velle omnem possibilitatem operationis. S. XXXV.



### S. XXXV.

Sed mitto hæc, meum enim huc usque non est determinare, quid agat, & quomodo agat Cinnabaris. Sed omnia ea, quæ proposui, eò tendunt, ut illis dubiis obviam eam, quibus impossibilitatem actionis Cinnabaris demonstrare tentaverunt inimici ejus: & id quoque nunc fecisse arbitror. Quid enim restat dubii ? provocasti ad subscriptionem magnorum virorum: plures & genuini practici, æque magni autores, contrarium elocuti funt; imo perpendas guæso! ipse BOERHAVIVS tibi & mihi magnum oraculum, Cinnabarim specificis antivariolosis possibilibus adnumerat. Aphorismorum de cogn. & curandis morbis 1390-1392. Dubitas ob vinculum arctissimum inter sulphur & mercurium, sed responde, quomodo salivationem moveat nonnunquam Cinnabaris? cur lexies a cane devorata Cinnabaris sensim amittat colorem & feces non amplius ringat?

Credidisti Cinnabarim nullo menstruo solubilem esse, nec vincibilem; & En! destruitur lixivio & saponaceis, solvitur aqua regia & spiritusalis, imo sal culinare aliquid ex ejus miscela discerpit, microscopio teste.

Manebit itaque in Pharmacopolio, ab inertia vindicata Cinnabaris, usque dum aliis argumentis solidioribus illam ejecerint contemtores.